

負苞堂詩選

負苞堂詩選卷之三

吳興臧懋循晉叔甫著

七言律詩

秋懷

憶昔辭榮賦式微，南山幾見桂花飛。
將軍閣後諸姬盡，廷尉門前故客稀。
種豆落箕無那懶，灌園鑿隧詎知非。
永懷修夜愁難寐，何處霜風度
擣衣

賀葉相公

霄漢高懸水鏡光
主恩初賜袞衣裳
紫躋九命心仍素
儀表千官髯未蒼
好士果開丞相閣
移朝不假舍人裝
絕知聞一今無似
惟有夔龍在盛唐

賀常開府西師大捷

分麾決戰武功宣
絕邁條侯翊漢年
寵憶彤弓天子賜
書疑黃石異人傳
凱聲動地南還越
殺

氣干雲北護燕借問緣邊諸騎曲可能乘勝取
祈連

壽高中丞

新釀桃花酒正濃
轅門春曉動歌鐘
客因酌兕皆操賦
軍爲椎牛亦解容
白簡霜威知不改
赤松天路許相從
野夫私祝江城外
遙指公家日
觀峰

爲謝在杭壽其尊人

蚤歲王門作傳回長沙不道賈生才更聞令子
傳家業再捧褒書下帝臺赤玉舄從滄海寄紫
金丹就碧壇開年年斗柄常西揭應爲仙筵送
酒來

謁贈王大宗伯紹傳

風儀奕奕冠朝微一代寅清衆望歸南顧重臣
還曳履中興聖主自垂衣敷求佇戩平津閣端
揆遙趨建禮闈若問史才兼相業幾人不愧漢

匡韋

寄贈章元禮

時方令蒲圻蒲圻有魏順甫者于鱗友也其人已物故惜

不及下榻能修北海故事爲表其門閭乎

江漢初分百里居風塵爲吏興何如畏人未擬
裁賓戲結主寧辭賦子虛倚棹春過彭澤柳登
樓潮落武昌魚懸知不淺憐才意肯爲康成表
故閭

寄贈馮開之

中山書篋爲誰開，留滯徒傷太史才。
世路風波元不定，故園松菊好歸來。
侍兒盡解靈光賦，坐客頻傾文舉杯。
但使百年能保此，何須重起漢蘭臺。

同李文仲賦贈梅戚晚

濯龍門外主家親，寶馬雕弧任俠人。
遺業韜鈴堪報國，華堂文酒解留賓。
匣中劍字曾題漢臺，上簫聲尚識秦。
一自鐘山開別第，石城花鳥歲

長春

贈喻太守

清時冠冕自翩紛大雅何人最出羣解劍勸耕
龔太守當杯頌德晉叅軍婆娑數俯庭中樹揮
灑遙生海上雲見說郡城曾下鳳疑將五色照
雄文

贈陳季迪奏績

露冕專城早策勳更從藝苑播清芬高才自昔

能爲政聖主於今實右文循吏傳成司馬氏遊
仙詩寄武夷君憐余未及趨門下只解山中臥
白雲

送張侍御巡關中

藉藉聲稱八使齊行邊秋色滿河西通商幾處
開亭障防虜何年息鼓鼙漢闕風流爭避馬秦
關月落蚤鳴雞故人不作豐城令安得干將贈
解携

送邵給舍還朝

離亭別酒意何如
望極關城悵有餘
殘雪全添江水駛
春風半拂柳條舒
陽狂在我隱吳門
跡諫獵君題漢闕書
此後相思求問訊
年年鴻鴈不應疎

送葉奕甫赴任九江時前守以告緡被逮
詩故及之

才名藉甚白雲司
大府分符亦較遲
四月和風

催去鷓九江秋色待褰帷不愁人吏情難厭但
問舟車賦若爲詔使紛紜仍未已應非臥理借
君時

送允兆再遊京師

平生不慣別離心垂老臨岐淚滿襟吳渚文魚
乘夜去薊門戎馬向秋深時危合自防顏面道
遠憑誰覓信音他日相逢各相勞會須攜手北

山岑

送梅子馬之瑕丘

大邑鳴琴不易過
贈君治迹有東阿之官豈道
行程遠愛客無妨酒債多
心在白雲徒自戀身
牽黃綬竟如何
要知別後書能寄
郭外春生水波

送蔣明府之長洲

五湖縹緲不分天
津吏來迎若下船
報國正從
郎選始近鄉
翻覺主恩偏
城中花發潘家種
堂

上琴鳴宓子絃儻以舊游能見憶尺書無藉早
鴻傳

代送宋司馬

縱金伐鼓震皇威萬里關山度若飛天子預圖
麟閣賞將軍初破鳳城圍已踰遼海何辭險未
掃穹廬肯遽歸寄謝五原諸俠少不妨華袞緝
戎衣

送朱文寧赴任南少司成

臨岐惜別意如何若問金陵我舊過
六代豪華遺跡徧三吳密邇故人多
蔣山春樹蒸蒼霧瓜步晴江偃白波
冠帶橋門應久待高檐南去勿蹉跎

送許開府

講筵羣弟政雲從尊俎何妨與折衝
帝謂獨孤君似鏡人言諸葛自如龍
梯航白雉歸周貢冠冕朱鳶屬漢封
有客離居悲老大十年霜色暗

芙蓉

送于納言北上

供帳新亭盡漢官，送君乘傳入長安。
葢隨津樹陰初合，吹襍林鶯聽未闌。
御苑秋風嘶駿裏，禁廷曙色筵鷓鴣。
比聞恩許郵程緩，過里無妨十日歡。

畱別趙使君

歸客歸心似柿懸，何期對酒仍畱連。
應悲桃梗

在窮路且伴梅花過舊年
梁苑才非空授簡
刻溪興盡未迴船
久衰無復元龍氣
猶自狂吟露冕前

贈別沈永思

英聲茂績久超羣
止棘流言何處聞
豈是公評無白日
從來世事本浮雲
故人正擬尋歸路
此地翻成送使君
寄與吳中親友道
莫將蘿薜易玄纁

李本寧招飲湖上二首

相望無地挹清芬今日真成御李君音響可知
非絕調飛沈終豈易爲羣好懷四月多芳草往
事孤山但白雲歎息時艱何所道過從惟有一
論文

其二

無妨車騎止林垞選勝湖頭在此亭美酒盈觴
呼下若微鐘隔水度南屏池荷香弱休教折隄

柳風多可耐聽縱使不隨漁父去老臣那忍獨
爲醒

清明日同謝在杭諸子飲木末亭用明字
仙侶招携出郭行江南風景作清明參差古樹
千山合幕歷新煙萬戶生陌上軒車劇流水花
間歌管雜啼鶯興移觸處堪訓醉遮莫嚴更下
鳳城

張康叔携伎泛城南分得床字

城南景物待秋芳
桂樹畱丹菊綻黃
上客催移三翼舸
主人雜進九霞觴
山浮遠翠臨歌席
岼轉澄波溢釣床
已向碧天賒月色
不辭沉醉宿橫塘

和茅水部

問君爲宦興何如
閉戶垂帷日著書
揚子江聲天外盡
白門柳色雨中疎
故人向老嗟多別
愛弟經春病未除
稍喜鄉園長在目
不須回首憶

離居

和馬太守安東道中

褰帷海邑有輝光
候吏紛迎大道傍
未暇趨程向公府
還能訪俗到農桑
千村芟舍初來復
十月河渠漸可防
傳語流民莫惆悵
漢家汲黯在淮陽

和游肩生游虎丘

回首吳天霸氣沉
金閭楊柳自蕭森
一丘聳湧

應無改雙劍蒼茫不可尋
短簿祠荒春寂寂
生公石冷月陰陰
孰知今古高山調
併入風流邑宰琴

南湖春讌同鄧戶部汝高陳季迪孝廉賦
仙郎載酒出青圻
臘雪全消春水肥
上國衣冠芳宴接
中流簫鼓畫船飛
林光拂席皆成笑
野鳥迎人亦忘機
漸覺巖西斜影盡
猶言豪舉不知歸

秦淮臨汎

秦淮過雨微波增波面雲陰寒欲凝鐘山遠近
自可見酒船來往都無恒誰家畫閣不臨水何
處清歌非采菱江南佳麗觸目是桃葉渡頭天
下稱

臺城懷古

徙倚高臺望帝城依然佳麗古時名山中雨歇
琳宮淨湖上風歸畫舫輕南國諸生聽講集長

千少女踏歌行不知鼓角關何事怨咽於今尚
未平

泊射陂簡陳允升

西風颯颯送歸舟况值淮陰水落秋雲外參差
看鳥滅月中長短聽猿愁每逢行賈探鄉信幾
向征途換客裘漫道相如遊已倦臨邛還有故
人留

長安元夕

燈火連達夜色賒個中遊賞盡豪家雕鞍正勒
千金騎翠幃香茵八寶車縈手傾城與傾國分
頭看月復看花通宵不畏嚴關掩更引笙歌抵
狹邪

清明見燕

常年早識主人歸何事春淡見獨稀平野新煙
初冪冪雕梁舊壘乍依依柳間弄語千般作花
底啣泥百過飛最是秋風不相待差池莫遣負

芳菲

觀妓

楚國徒營行雨觀漢家虛築避風臺豈知絕代
東隣是何用傾城北地求蓮葉餘香隨屣度榭
花新艷逐裙開正歡歌舞能留客楚囑斜光勿
遽催

賦得香贈妓

繡閣春風發衆香
鬱金蘇合與郁深
開筵轉益

清尊美拂鏡能添紅粉粧荀令三旬猶恨歎漢
君千里詎爲芳氣氲卽是迷樓處何必畱賓在
袖長

咏寒食鬪雞

寒食東郊散曉晴籠雞競出鬪縱橫飄花照日
冠相映細草寒風翼共輕各自爭能判百戰還
誰顧敵定先鳴歸來驗取黃金距應笑周家養
未成

寄題三遊洞洞在夷陵唐白居易嘗與客

三遊焉

不辭杖履躡崔巍千尺丹梯鳥道迴誰開地靈
通楚塞直凌天險辨秦灰濤生江底黃牛轉樹
掛雲端白帝開遙想昔賢遊覽處幾能無媿大
夫才

寄題緯文館

夫君能武復能文但睹堂名自不羣人指雕弧

曾射日吾知彩筆本凌雲遺鱣舊識關西學倚
馬新題寒上勳底用沉碑江漢水至今猶說杜
將軍

爲范景題鸚武塚

丹嘴緗翰委存塵英魂長記玉樓春總知慧性
終無侶不爲能言反誤身隴坻高松枝未落漢
江芳草色猶新何時更逐楊家雀也學啣環報
主人

題衰柳

千尺垂楊百尺枝半臨官道半臨池可憐攀折
無窮日非復嬋媛似昔時風裊殘絲縈去馬露
將寒葉對顰眉別離最是愁人思莫向關山笛
裏吹

關河

關河使者半垂璫歲歛金錢入尚方車馬故應
愁蜀道兵戈猶自哭遼陽百年府藏元非乏四

海人心可重防多少廷臣上封事還誰折檻動
君王

巳亥書事

水衡少府尚堪供真是宸居惜費重已見關河
增榷賦可能山谷借泥封轡軒使者遙相望畫
省郎官不自容願以芻蕘垂帝聽萬方玉帛正
朝宗

聞捷

連年遼海事兵車一月三傳有捷書路轉扶桑
鳴凱處筵開林杜勞還初左軍功大讒偏入北
闕恩深賞詎踈不佞小臣持過計內憂外懼總
何如

哭王元美

一夕文星殞自天哭公纔是識公年拂衣歸指
羊腸外斬板封成馬巖前妙理不畱夷甫塵韶
音猶繞伯牙絃大都往往遺書在莫向各山恨

未傳

哭茅薦卿

才是河堤出使年，坐看京兆已開阡。
起家未至二千石，賻死空歸百萬錢。
功在白渠應不泯，剛成青史若爲傳。
故人自有山陽感，回首寒冰獨泫然。

負苞堂詩選卷之四

吳興臧懋循晉叔甫著

五言排律

和徐茂吳艷體二首

二八可憐人桃花與競春花穠
潘子縣人美宋家隣醜取方丹
臉粧持比絳脣轉添脂際色彌
瑩粉中津乍對疑臨鏡重看似
寫真兩邊光照灼一種貌精神
映井分呈笑含燵並作顰蜂尋

迷彩麗馬度逐香塵初日高唐觀朝霞洛水濱
送嬌嬌不盡弄態態爭新問字知爲葉詢居道
避秦黃金歡勿恠來買艷陽春

右桃花人面

華館結重幃新粧定自稀氤氳挹香澤縹緲鑿
容徽合翠嬌芳鈿分紅艷舞衣佩連鈎玉響珥
間箔珠輝寶帳籠雙隱雕梁燕獨歸半遮迷薄
霧少出湘斜暉塵影流歌細波紋轉盼微花藏
金谷妓竹倚楚江妃望美踈難越邀期近復違

似防交甫戲故忍夏侯譏羅薦何由接絃琴乍
可揮未知心所予徒取色頻飛

右隔麻美人

感往篇

少小負驕矜文成衆誤稱千金期售駿萬里會
騫鵬與計俄偕上承明遂僭登爭言看衛玠詎
比策孫弘齋室逢前席朝車託後乘譽髦周代
誅掌故漢廷徵恩重慙何報才輕憚莫勝連章
辭法署隨牒赴江陵郢樹秋先下巫雲曉更蒸

道寧黃綬屈望豈絳帷增憲府勞推薦詞塲忝
中與分曹司禮樂進秩亞凝丞折鹿名堪倚銜
魚兆儻憑方將規少貶那復侈多能客指門如
市人傳酒似澠篋書初入魏機杼果投曾不分
彈珠鵲偏驚點壁蠅乞休新綬冕賜老舊溝塍
種柳依彭澤思尊逐季鷹歸來曾幾載貧病苦
重仍坐臥拋鉛槧經營困斗升寡妻魂奄逝稚
子學無恒歲歉常憂盜庭虛久喪朋南山歌已

厭北隴笑彌騰乍識微心許溪知有背槽死灰
猶見忌孱肋也相凌世益工萋錦吾終抱直繩
龍蛇甘自匿牛馬且須應往事傷回首餘生悟
折肱明年當五十從此勗淵冰

送謝在杭捧表北上分得誇字

微號崇周姒覃恩溢漢家萬方俱獻壽仙使正
乘槎饒吹喧都邑旌麾被浦沙聯鑣朝客送供
帳路人誇尊蟻添流泛檣烏帶雨斜蒲抽幾寸

節榘綴百重花香靄雲天曠蒼茫水驛遐嚴程
不可緩聖主待皇華

游肩生入計詩以送之得二十六韻

三吳推吏治誰得似循良况值龔黃守來從屈
宋鄉詩才知總擅政跡較彌彰百里勞騏驎卑
枝借鳳凰功加天目峻澤衍雪川長乳雉馴車
下陽矯避路傍琴臺高宓子花縣美潘郎德惠
留輿頌聲名人薦章皆言資補衮何但擬含香

鳧鳥旋應去牛刀信不遑桐鄉猶戀戀京兆本
堂堂報主心偏赤憂民鬢欲蒼試看今歲計非
比昔時康輸輓疲諸道徵求困萬方金繒遺絕
塞壁馬整宣防少府猶填壑潢池每跳梁寵惟
私左縮筭肯紉弘羊群望寧無屬孤忠必有當
直須忘毀譽且勿問行藏客候關門氣天迴列
宿光銓曹虛上考黼展待匡襄振鷺仙班引驪
駒祖席張君能憐小草吾益愛甘棠燕市歌難

和延津劍儻將依然人臥雪遙指鳥隨陽所藉
春暉力幽蘭也自芳

送吳幼如備兵江右二十四韻

曠代完真氣熙朝用大賢探珠惟赤水採玉必
藍田屈宋空張楚荆高豈急燕自今能捧日疇
昔枉談天綬向三吳擁帷曾百粵褰馮唐寧計
秩邠粵已過年地匪輕淮海名應重潁川犢歸
新賣劍馬飲舊沉錢雅操彌攻苦閒情肯慕羶

但期流澤在勿問薦書傳城鳳頻驚下臺烏始
賀遷宦資將石去鄉夢與床懸廬嶽千尋上官
湖九派前晴光搖組練秋色引旌旃懶發陳遵
牘終先祖逖鞭經綸餘竹素楊摧付丹鉛落羽
猶堪振遺洩總不捐交從知己借才得故人憐
繾綣深投轄慙懃數贈氈穉康疎益甚徐孺禮
何偏郡舍方休矣河梁遽黯然酬心指茗雪揮
手隔風煙飛蓋驕難駐離歌杳莫宣東林儻修

社重結異時緣

賦得弭棹金陵渚送徐京兆

江渚通南紀都城控上遊林光初戩曙濤色正
臨秋岸弭蒼鷹舳筵開白鷺洲餞申朝彥集借
寇國人謀風雨迴饒吹魚龍避棹謳山移遠樹
出潮退淺沙淨舊浦寧無戀嚴程詎可畱懸知
丹禁裏入夢有商舟

九日同謝在杭曹能始集清涼寺時汪仲

嘉自新都至謝比部友可自燕至方刺史
子及還閩尹駕部汝恒還蜀詩併及之共
賦五言六韻拈得圖字

重陽臨素節遐眺極黃圖寶樹開千座金花薦
百壺霜催遵渚鴈涼結吹臺烏江令歸初得桓
公賞不孤旣欣朋自遠復此餞傾都顧我慙能
賤登高從大夫

九月十五日同潘景升吳允兆諸文集湖

上分得登字

何幸值良朋兼之酒似通鄂舟今夕共陳轄往
年曾野服新裁芟山尊曲製藤觀濤雖較晚乘
興亦無恒莫遽凌風去還須待月升林寒聞葉
下湖靜覺波澄隱隱高城柝離離遠听燈客非
尋北海妓本出西陵度曲當誰顧稱詩敢自矜
兩峰秋更好朔爾歷攀登

寄題杜將軍榮福堂

何事箕疇福榮名不共俱要知綿世澤端在揭
宸謨接武人如玉敦詩將是儒簪纓誰比盛堂
構自應殊星欲重檐墮雲將畫棟扶軸簾紅拂
妓列戟紫髯胡海岳窺鵬擊軋坤撫駿圖猶聞
辭起第爲未滅匈奴

宿法華寺同吳允兆茅孝若賦得梁字

樹轉接幽徑雲歸講法堂高僧畱杖鉢客子問
津梁鳴磬和仙梵然燈借佛光風泉寒拂燭霜

月淨移床久厭生涯苦從耽野趣長冥心依怖
鴿故業感亡羊壁是何年畫琴應此日張遠公
不禁飲來往虎溪傍

負苞堂詩選卷之四

吳興臧懋循晉叔甫著

七言排律

寄瑜那相

使君風雅冠詞場，勛業兼留竹帛光。
露冕外臣資共理，垂衣聖主眷惟良。
望傾百揆心逾赤，恩戴三朝髯易蒼。
翰墨當年誇武庫，經營隨地見文章。
好賢屢解陳蕃榻，憂國能開汲黯倉。
詎遣

盛名輸小草，佇看遺澤永。其棠座綠，客集題鸚鵡。
政爲人和，下鳳凰宮跡。崢嶸新竹，馬酒容瀟灑。
灑舊胡床，赤城賦就，神猶往白石歌殘。願果償高第。
總推吳太守，少年爭附蔡中郎。龍門邂逅，叨投刺驪路。
逡巡對別觴。浪說白雲，謠可獻，敢云青玉案。相當論持。
上下期千古，興阻沿洄。愴一方只有寸衷，將尺素雙鴻。
時起太湖傍。

出塞

蕭關烽火震咸京持節登壇事北征三表慨然
披賈疏一戎率爾乞終纓金門驟躍飛黃出玉
塞遙占太白明結陳潛軍趨馬邑分麾列卒度
龍城湛盧離匣胡霜慘繁弱張弦漢月橫歛野
旌旗開殺氣囂天笳鼓亂秋聲長驅直踐賢王
帳轉戰全夷雜虜營勒石狼山題浩蕩洗兵鯁
海照澄清宣威絕漠邊功立獻凱還都廟畧成
會看封侯班定遠莫將投筆笑書生

負苞堂詩選卷之五

吳興臧懋循晉叔甫著

五言絕句

感懷

一夜青霜降萋萋
草具腓誰知嶮谷裏
猶有薜蘿衣

送王曰常還豫章

何事不禁愁蒼皇
上別舟遙持兩行淚
日對九

江流

清涼寺雨中送曹能始梅子馬分賦二絕
十年始一見愁心未能雪那堪風雨中更作東
西別

其二

越嶠朝嵐重楚江秋水淡離程不可盡况復故
人心

江上送曹能始別

相望江亭晚，尊空客漸稀。
楊花不解別，到處逐君飛。

賦得春鶯送客

綠樹隱黃鶯，作意向春鳴。
君過春山聽，無非喚友聲。

陌上見遊者戲爲之詠

花柳可憐人，鶯嬌燕復新。
盈盈南陌上，若個不爲春。

春望

所思千里道積望傷懷抱不知春幾深綠盡長
河草

寒食

揮馬出長安前程正渺漫可憐中自熱徒有食
能寒

題菜

桃李有好色當春競藿靡菜花亦不遲開徧春

風裏

題黃司馬味泉亭

爾家綠雲芽薦以中冷水一枕北窻餘微風落
松子

負苞堂詩選卷之五

吳興臧懋循晉叔甫著

七言絕句

贈熊明府子良

顧渚山頭五色霞使君行部到山家勝遊端自
兼公事春雨年年採貢茶

送吳載伯之金陵

青蘋綠綺俠遊裝分手江亭去路長處處鶯花

畱客醉不知春色在橫塘

送姚園客還蒲

寒江落日倚歸槎
目盡南天不見家
莫向離程怨蕭瑟
千山紅葉似春花

送吳陽伯南遊

春風啼殺白門鷓
綺陌鞦韆衛玠車
連手如花遊女伴
一時夾轂問君家

江上別送者

日日春風吹別顏
故人舟楫幾人攀
懸江東下
桐廬道一片桃花送客還

與吳翁晉別

同爲異客有先還
落日征轅不重攀
離思如何
寄歸鴈隨君遙度秣陵關

苧葉相公

罷官昨日今如何
行馬門前換雀羅
便道傾都
供帳盛舊來東閣似還多

寄吳公擇

一臥山中無歲月每對青銅傷白髮
春來思酒不得錢閉門數日花事歇

久不得允兆書却寄

白門無事久離居淡巷垂楊臥病餘
啼鳥欲闌春已盡故人不寄一行書

答姚叔度

放舸衝炎作遠遊故人念我特相畱
別來東去

錢塘路幾日涼飈宛似秋

答汪仲嘉

客路經春侶伴稀故鄉回首淚霑衣不知若個
吹長笛一夜梅花似雪飛

李大夫巡淮歌

黃河東接大淮浮千里金隄引漕舟瓠子宮前
君試望桃花無恙漢時流

秦淮聞吳太寧歌

夜深四座已頽然忽聽吳歌曲哀傳片片涼雲
低不度一齊回首月明前

溪上

草閣柴扉面碧波芰荷香動午風多故人避暑
杯無恙何事交遊更不過

華亭早發

風雨連江偃荻蘆眠鳧宿鴈夜相呼平明霽色
澄如練一片高帆出溇湖

淮陽客舍

茱萸灣上鴈初飛
桐柏山前客未歸
何處吹笳明月夜
能令清淚滿征衣

九月十六夜集汪景純宅同吳允兆諸德
祖諸君子聽妓因拈庭來顰時韻賦得四
絕

洞戶層軒夜不扃
遞將歌妓借人聽
不知餘曲還畱幾
但覺霜華飛滿庭

其二

徒到秦家學鳳臺歌筵四面錦屏開雖然佳麗
無從見時送香塵隔棟來

其三

傳得當年子夜新一聲堪動滿筵人曲中若到
傷心處難道青蛾不自顰

其四

艷質偏宜最艷詞歡情惟有酒能知一傾一石

應難醉何必羅襦半解時

孤嘗於過庭時間及風雅府君以自選雜體詩百五十餘篇示孤孤請益府君不許曰若不知杜必簡氏名之藉藉而詩之寥寥乎孤請梓府君復不許曰若其待之亡何府君見背哀毀荒迷中筆研都廢獨不能不爲先人不朽計因攜其稿若干冊謁茅先生孝若謀可否先生曰子姑承遺命嗣爲續集可也孤

乃併府君文合付剞劂文尤散逸不可稽今
亦第刻其存而自選者

辛酉五月旣望不孝孤爾炳百拜謹識